

BOSNA I HERCEGOVINA
Federacija Bosne i Hercegovine
TUZLANSKI KANTON
Kantonalni štab civilne zaštite
Broj:02/24-44-004449-4/15
Tuzla; 11.02.2015. godine

Na osnovu člana 22. Poslovnika o radu Kantonalnog štaba civilne zaštite, br. 18/01-44-1-05-3/11 od 27.04.2011. godine, Kantonalni štab civilne zaštite, na sjednici održanoj dana 11.02.2015.godine, u s v a j a

IZVJEŠTAJ O RADU

Kantonalnog štaba civilne zaštite za 2014. godinu

I UVODNI DIO

Kantonalni štab civilne zaštite (u daljem tekstu: Kantonalni štab) osnovan je u skladu sa Odlukom o osnivanju Kantonalnog štaba civilne zaštite („Službene novine TK-a“, broj: 12/09, 6/12), sa pravima i obavezama rukovođenja akcijama zaštite i spašavanja na teritoriji Tuzlanskog kantona, te za obavljanje drugih poslova u zaštiti i spašavanju, u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine F BiH“, br. 39/03, 22/06 i 43/10) i Zakonom o zaštiti i spašavanju ljudi i materijalnih dobara od prirodnih i drugih nesreća u Tuzlanskom kantonu („Službene novine TK-a“, broj:10/08) i drugim propisima vezanim za njegovu nadležnost. Njegov sastav utvrđen je Rješenjem o postavljenju komandanta, načelnika i članova Kantonalnog štaba civilne zaštite, („Službene novine Tuzlanskog kantona“, broj: 6/14).

Kantonalni štab obavlja poslove iz svoje nadležnosti samostalno i za svoj rad je odgovoran Vladi Kantona.

Kantonalni štab funkcioniра u slučaju kada bude aktiviran zbog opasnosti ili nakon proglašenja stanja prirodne nesreće na području Tuzlanskog kantona (u daljem tekstu: TK) a van toga po potrebi odnosno kada razmatra i donosi odluke o dodjeli pomoći općinama TK i drugim subjektima iz sredstava posebne naknade za zaštitu od prirodnih i drugih nesreća, daje saglasnost na planove i izvještaje vezane za sredstva posebne naknade za zaštitu i spašavanje i naknade za zaštitu od požara i vatrogastvo, donosi odluke o dodjeli priznanja i nagrada civilne zaštite, daje suglasnost i mišljenja na dokumente utvrđene Zakonom o zaštiti i spašavanju i Zakonom o zaštiti od požara i vatrogastvu o kojima odlučuje Vlada TK i Skupština TK, učestvuje u vježbama i drugim vidovima obučavanja i svim drugim slučajevima predviđenim Zakonom o zaštiti i spašavanju i Zakonom o zaštiti od požara i vatrogastvu.

Kantonalni štab pruža pomoć općinama i kantonima u Federaciji BiH, kao i općinama u drugom entitetu, u slučaju prirodnih i drugih nesreća, na njihov poziv i u skladu sa zakonima.

Saglasno Odluci o osnivanju Kantonalnog štaba, Kantonalna uprava civilne zaštite obavlja stručne, administrativne, tehničke i druge poslove, neophodne za njegov rad.

II AKTIVNOSTI

U izvještajnom periodu održane su 2 (dvije) redovne i 23 (dvadeset tri) vanredne sjednice i nekoliko radno konsultativnih sastanaka kamandanta i načelnika Kantonalnog štaba, na kojima su razmatrana pitanja iz njihove nadležnosti.

1. Redovne sjednice Kantonalnog štaba

Na redovnim sjednicama Kantonalnog štaba, razmatran je veliki broj pitanja od kojih zaslužuju da se istaknu sljedeća:

- Konstituisanje novog saziva Kantonalnog štaba u aprilu;
- Razmatranje i donošenje novog poslovnika o radu KŠCZ;
- Informacija o demonstracijama građana TK od 05.02 do 7.02.2014.godine;
- Izvještaj o prikupljanju, raspodjeli i korištenju sredstava posebne naknade za zaštitu od prirodnih i drugih nesreća u 2013. godini;
- Odluka o odobravanju sredstava za sufinansiranje organizacije 21. kantonalnog takmičenja ekipa crvenog križa u pružanju prve pomoći;
- Informacija o poplavama i klizištima na području TK u periodu maj-avgust 2014.godine i nevremena sa olujnim kišnim padavinama i snažnim vjetrovom i gradom;
- Odluka o prestanku stanja prirodne nesreće od poplava i klizišta na području TK;
- Davanje mišljenja na Plan korištenja sredstava posebne naknade za zaštitu od prirodnih i drugih nesreća u 2014. godini;
- Odluka o izdvajanju sredstava posebne naknade za troškove uskladištenja i distribucije humanitarne pomoći, nastalih po osnovu naredbi KŠCZ tokom stanja prirodne nesreće od poplava i klizišta;
- Odluka o odobravanju sredstava za sufinansiranje organizacije 17. takmičenja učenika osnovnih škola iz programa „Upoznavanje na opasnost od mina“;
- Odluka o pokroviteljstvu promocije i otkupu 30 komada knjige „Zaštita i spašavanje u Federaciji BiH“ - propisi i praksa (I i II dio) autora Zdenka Tadić, za potrebe KŠCZ i sistema zaštite i spašavanja na području TK.

O svim materijalima, koji su bili na dnevnom redu sjednica Kantonalnog štaba, prije nego što su donijeti adekvatni akti po istim, vođena je kvalitetna i konstruktivna rasprava.

2. Aktivnosti u vrijeme stanja prirodne nesreće na području Tuzlanskog kantona

U vrijeme vanredne situacije koja je zahvatila područje Federacije BiH Komandant i Načelnik Kantonalnog štaba sa dijelom uposlenika KUCZ održali su radni sastanak 13.05.2014. godine, kako bi na osnovu sagledavanja stanja na terenu po osnovu dobivenih informacija iz općinskih službi civilne zaštite procijenili i odredili tok daljih aktivnosti Kantonalnog štaba u okviru njegovih nadležnosti u vanrednim situacijama. Na navedenom sastanku zakazana je 1. vanredna sjednica štaba za 14.05.2014. godine, sa koje je upućen prijedlog Vladi kantona da donese Odluku o proglašenju stanja prirodne nesreće od poplava i klizišta na području Tuzlanskog kantona.

Dana 15.05.2014. godine, na prijedlog KŠCZ, Vlada Tuzlanskog kantona (Vlada TK) je donijela Odluku o proglašenju stanja prirodne nesreće uzrokovane poplavama i klizištima na području Tuzlanskog kantona.

Navedenom Odlukom, KŠCZ je zadužen da u skladu sa važećim zakonskim propisima preuzme sve aktivnosti oko koordinacije i rukovođenja akcijama zaštite i spašavanja na ugroženom području.

KŠCZ je tokom trajanja prirodne nepogode u kontinuitetu usmjeravao, koordinirao i rukovodio akcijama zaštite i spašavanja, naređivao provođenje odgovarajućih mjera samozaštite građana i drugih mjera zaštite i spašavanja, određivao snage i sredstva za provođenje operativnih mjera, rješavao pitanja i probleme koji su se pojavljivali u akcijama zaštite i spašavanja, naređivao općinskim štabovima civilne zaštite poduzimanje odgovarajućih mjera, odnosno u koordinaciji sa općinskim štabovima civilne zaštite rukovodio akcijama zaštite i spašavanja na područjima općina i kantona.

Ostvarena je saradnje sa Oružanim snagama BiH koje su civilnoj zaštiti stavile na raspolaganje sve svoje raspoložive resurse. Otvoren je prihvatni centar za zbrinjavanje evakuiranog stanovništva Sapne, Kalesije, Lukavca, Tuzle i Živinica u Vojnoj bazi u

Dubravama. Kroz centar je prošao veliki broj građana i u tom periodu su im u saradnji sa KŠCZ i CK TK pružene usluge ishrane, smještaja, medicinske i higijenske usluge. Pripadnici OS BiH su učestvovali u evakuaciji civilnog stanovništva u općini Živinice, prevozu i distribuciji humanitarnih roba, preventivnim radovima na smirivanju klizišta na općini Tuzla.

Zbog nedostatka geologa i potrebe preventivnog djelovanja na propisivanju mjera za smirivanje i zaustavljanje klizišta, aktivirani su stručni resursi Univerziteta u Tuzli i RGGF-a u Tuzli čije su ekipe geologa stavljene na raspolaganje općinskim štabovima civilne zaštite.

Zavod za javno zdravstvo Tuzlanskog kantona je u potpunosti stavljen na raspolaganje općinskim štabovima civilne zaštite za kontrolu ispravnosti vode za piće i poslove DDD-e.

Aktivnosti na prijemu, skladištenju i raspodjeli humanitarne pomoći i donirane opreme i sredstava za građane Tuzlanskog kantona, KŠCZ je uredio tako što je naredbom broj: 02/24-44-011808-9-5N/14 od 20.05.2014. godine zadužio Salema Mujića, direktora Direkcije robnih rezervi Tuzlanskog kantona napravi organizaciju rada Kantonalnog centra za prihvatanje, uskladištenje i distribuciju humanitarne robe i isti stavi u funkciju. Kantonalni centar za prihvatanje, uskladištenje i distribuciju humanitarne robe, je u skladu sa naredbama i odlukama KŠCZ, obavljao sljedeće aktivnosti:

- prevoz i prihvatanje roba,
- utovar, istovar i skladištenje sredstava i opreme,
- raspodjela donirane pomoći općinama prema naredbama KŠCZ,
- distribucija donacija stanovništvu putem OSCZ i Crvenog križa,

3. Vanredne sjednice Kantonalnog štaba

U periodu od 14.05.2014. do 16.09.2014. godine, KŠCZ je održao 23 vanredne sjednice na kojima je donio: 73 naredbe, 52 zaključka, 9 preporuka, 31 odluku, 2 saglasnosti i 2 mišljenja.

Vanredna sjednica KŠCZ	Datum	Donesene naredbe	Doneseni zaključci	Donesene preporuke	Donesene odluke	Date saglasnosti	Data mišljenja
1.	14.05.2014	2		1			
2.	15.05.2014	3					
3.	16.05.2014		5				
4.	16.05.2014	2	1				
5.	17.05.2014	9			1		
6.	17.05.2014	5	1	1		1	
7.	18.05.2014	10		2			
8.	19.05.2014	6	2	2	2		
9.	20.05.2014	7					
10.	23.05.2014	10	1	2	1		
11.	27.05.2014		3		2		
12.	24.05.2014		26				
13.	27.05.2014	4	1	1			
14.	03.06.2014	6	1		1		
15.	16.06.2014	5	2		9		
16.	16.07.2014	1	5		8		
17.	24.07.2014		1				
18.	06.08.2014	3	2		1		
19.	07.08.2014				2		
20.	11.08.2014				3		
21.	14.08.2014						2
22.	25.08.2014		1		1	1	
23.	16.09.2014				4		
Ukupno		73	52	9	35	2	2

Tabela 1 - Pregled broja održanih sjednica i donesenih akata od strane KŠCZ Tuzla

Sjednice su održavane u prostorijama KUCZ, osim 4. sjednice, koja je održana 16.05.2014. godine u Lukavcu i 12. vanredne sjednice koja je održana u Bosanskom kulturnom centru u Tuzli kojoj su prisustvovali općinski načelnici, načelnici općinskih štabova civilne zaštite i predstavnici Federalne uprave civilne zaštite.

Sva akta donesena na sjednicama KŠCZ odmah su proslijeđena subjektima na koje se odnose i prema povratnim informacijama, koje su do sada dostavljene, zaduženi subjekti su većinu realizirali.

Naredbama je naloženo navedenim subjektima da, u skladu sa svojim nadležnostima i u okviru svog zakonski određenog djelokruga rada, poduzmu odgovarajuće preventivne i operativne mjere i aktivnosti na zaštiti i spašavanju ljudi i materijalnih dobara, kao posljedica djelovanja visokih snježnih padavina i niskih temperatura i u vezi sa tim da Kantonalnom štabu dostave odgovarajuće informacije, sa prijedlogom mjera za prevazilaženje nastalog stanja i uočenih problema.

4. Finansijski izvještaj

U skladu sa zakonskim odredbama Kantonalna uprava civilne zaštite sačinjava Izvještaj o korištenju sredstava posebne naknade za zaštitu i spašavanje za prethodnu budžetsku godinu i isti nakon razmatranja na štabu civilne zaštite dostavlja Vladi kantona na usvajanje.

Navedeni izvještaj sadržava detaljan analitički pregled utrošenih sredstava sa obrazloženjima a planirano je da do kraja aprila bude razmatran i usvojen od strane Vlade kantona, te u ovom izvještaju iznosimo samo sumaran pregled potrošnje sredstava posebne naknade i redovnih budžetskih sredstava u 2014. godini, za koje je saglasnost dao KŠCZ i tabelarni pregled finansijske pomoći koja je za vrijeme stanja prirodne nesreće dodjeljena općinama Tuzlanskog kantona za hitne intervencije na zaštiti i spašavanju ljudi i materijalnih dobara.

Općinama Tuzlanskog kantona u skladu sa propisanim procedurama upućena je pomoć od 1.970.000,00 KM iz sredstava posebne naknade za zaštitu od prirodnih i drugih nesreća koja pripadaju kantonu i 19.500,00 KM iz redovnih budžetskih sredstava za hitne intervencije i otklanjanje posljedica prirodnih nesreća u 2014. godini.

Posebna naknada za zaštitu od prirodnih i drugih nesreća TK

Na 6. vanrednoj sjednici održanoj 17.05.2014. godine, KŠCZ je donio saglasnost kojom se odobrava direktoru KUCZ da, u skladu sa članom 6. Odluke o postupku i uslovima za dodjelu jednokratne novčane pomoći općinama Tuzlanskog kantona za otklanjanje šteta nastalih od prirodnih i drugih nesreća („Službene novine TK“, broj: 6/12), donese odluke o isplati akontacije po 10.000,00 KM svim općinama na području Tuzlanskog kantona, odnosno ukupno 130.000,00 KM.

KŠCZ je na 11. vanrednoj sjednici održanoj 27.05.2014. godine donio Odluku kojom je, na prijedlog Kantonalne komisije za procjenu šteta od prirodnih i drugih nesreća, općinama na području TK dodjeljeno po 40.000,00 KM za hitne intervencije na otklanjanju šteta nastalih djelovanjem prirodne nesreće uzrokovane poplavama i klizištima, odnosno ukupno 520.000,00 KM.

Na 14. vanrednoj sjednici, održanoj 14.08.2014. godine, Vlada Tuzlanskog kantona donijela je Odluku o dodjeli jednokratne novčane pomoći općinama iz sredstava posebne naknade za hitne intervencije u toku prirodne nesreće od poplava i klizišta na području Tuzlanskog kantona u avgustu mjesecu 2014. godine, u ukupnom iznosu 1.300.000,00 KM. Vlada TK je odobrila isplatu iz sredstava posebne naknade Općini Tuzla 286.000,00 KM, općinama Grčanica, Lukavac i Srebrenik po 117.000,00 KM, općinama Gradačac, Kalesija i Živinice po 91.000,00 KM, dok su Banovići, Čelić, Doboj Istok, Kladanj, Sapna, Teočak dobili po 65.000,00 KM. Općine su obavezne podnijeti pisani izvještaj i dokumentovano opravdati potrošnju dodijeljenih sredstava.

Na 22. vanrednoj sjednici održanoj 25.08.2014. godine KŠCZ je dao saglasnost direktoru Kantonalne uprave civilne zaštite Tuzla, da u skladu sa članom 6. Odluke o postupku i uslovima za dodjelu jednokratne novčane pomoći opštinama Tuzlanskog kantona za otklanjanje šteta nastalih od prirodnih i drugih nesreća („Službene novine TK“, broj: 6/12), donese odluku o isplati akontacije u iznosu od 20.000,00 KM općini Gračanica.

Budžetska sredstva TK

Na prijedlog Kantonalne komisije za procjenu štete Vlada TK je na svojoj 8. redovnoj sjednici, održanoj 29.05.2014. godine, donijela Odluku kojom je iz budžetske rezerve dodijeljena pomoć općinama za hitne intervencije po 1.500 KM, odnosno ukupno 19.500 KM. Vlada TK je u skladu sa propisanim procedurama zatrzila pomoć od Federalnog štaba civilne zaštite i Vlade Federacije BiH.

Rekapitulacija finansijske pomoći općinama na Tuzlanskom kantonu za hitne intervencije u odgovoru na prirodnu nesreću

Općina	Posebna naknada za zaštitu TK	Budžetska sredstva TK	Posebna naknada za zaštitu F BiH	Budžetska sredstva F BiH	Federalni fond za pomoć	Zajam Svjetske banke	Ukupno:
Banovići	115.000,00	1.500,00	20.000,00	112.872,47	125.625,67	-	374.998,14
Čelić	115.000,00	1.500,00	20.000,00	67.704,59	160.802,32	-	365.006,91
Doboj Istok	115.000,00	1.500,00	20.000,00	90.121,24	102.416,87	222.544,00	551.582,11
Gračanica	187.000,00	1.500,00	20.000,00	567.366,08	435.535,48	679.000,00	1.890.401,56
Gradačac	141.000,00	1.500,00	20.000,00	141.678,14	230.959,17	-	535.137,31
Kalesija	141.000,00	1.500,00	20.000,00	150.593,85	241.372,54	541.134,00	1.095.600,39
Kladanj	115.000,00	1.500,00	20.000,00	79.247,49	96.103,84	244.308,00	556.159,33
Lukavac	167.000,00	1.500,00	20.000,00	230.304,62	197.097,41	689.828,00	1.305.730,03
Sapna	115.000,00	1.500,00	20.000,00	153.858,13	282.320,93	302.229,00	874.908,06
Srebrenik	167.000,00	1.500,00	20.000,00	404.619,16	385.400,12	714.929,00	1.693.448,28
Teočak	115.000,00	1.500,00	20.000,00	80.920,38	97.075,07	110.528,00	425.023,45
Tuzla	336.000,00	1.500,00	20.000,00	864.606,47	900.061,39	2.024.405,00	4.146.572,86
Živinice	141.000,00	1.500,00	20.000,00	240.176,80	216.182,18	957.924,00	1.576.782,98
Ukupno:	1.970.000,00	19.500,00	260.000,00	3.184.069,42	3.470.952,99	6.486.829,00	15.391.351,41

Tabela 2 – Finansijska pomoć općinama na Tuzlanskom kantonu

Iz tabele 2 se može zaključiti da je kao pomoć općinama TK iz kantonalnih izvora upućeno 1.989.500,00 KM dok je iz federalnih izvora doznačeno 6.915.022,41 KM što ukupno iznosi 8.904.522,41 KM.

Pregled planirane i ostvarene potrošnje sredstva posebne naknade u 2014. godini.

Na osnovu usvojenog Plana korištenja sredstava posebne naknade za zaštitu i spašavanje od prirodnih i drugih nesreća u 2014. godini, broj: 18/01-14-012004/14 od 19.05.2014. godine, izmjena i dopuna Plana korištenja sredstava posebne naknade za zaštitu i spašavanje od prirodnih i drugih nesreća u 2014. godini, broj: 18/01-14-012004-1/14 od 11.08.2014. godine i Plana

korištenja sredstava posebne naknade za zaštitu i spašavanje od prirodnih i drugih nesreća u 2014. godini, broj: 18/01-14-012004-2/14 od 17.11.2014.godine rađenih nakon usvojenih rebalansa Budžeta, u kome je u skladu sa zakonskim odredbama planiran ukupan iznos sredstava posebne naknade (koji se sastoji od prenesenog iznosa neutrošenih sredstava iz ranijih godina u iznosu od 2.976.472,13 i realno očekivanog priliva tokom tekuće godine) u iznosu od 3.800.000,00 KM, vršena je potrošnja u 2014.godini.

KONTO			NAZIV TROŠKA	PLAN I OSTVARENA POTROŠNJA (KM)		
Glavna kategorija	Pod kategorija	Glavna grupa		Plan	Ostvareno	%
610000			I TEKUĆI IZDACI	2.500.000,00	2.024.694,46	81,00
	613000		Izdaci za materijal i usluge	110.000,00	32.318,93	29,00
		613100	Putni troškovi	5.000,00	0,00	
		613400	Nabavka materijala	5.000,00	1.571,72	31,00
		613500	Izdaci za usluge prevoz i goriva	14.000,00	11.748,00	84,00
		613600	Unajmljivanje imovine i opreme	16.000,00	16.000,00	100
		613700	Izdaci za tekuće održavanje	5.000,00	0,00	
		613800	Izd.osig. bankar.usl. i usl.plat.prom	5.000,00	0,00	
		613900	Ugovorene i druge posebne usluge	60.000,00	2.999,21	5,00
	614000		Tekući transf. i dr. tekući rashodi	2.190.000,00	1.982.375,53	91,00
		614100	Tekući transferi drugim nivoima vlasti	2.150.000,00	1.970.000,00	92,00
		614200	Tekući transferi pojedincima	0,00	0,00	
		614300	Tekući transferi neprof.organizacij.	20.000,00	11.975,00	60,00
		614800	Drugi tekući rashodi	20.000,00	400,53	0,02
	615000		Kapitalni transfer	200.000,00	10.000,00	5,00
		615100	Kapitalni transf. dr.nivoima vlasti	180.000,00	0,00	
		615300	Kapitalni transf.neprofitnim organ.	0,00	0,00	
		615400	Kapitalni transf. javnim preduzeć.	20.000,00	10.000,00	50,0
820000			II KAPITALNI IZDACI	1.300.000,00	2.170,88	0,16
	821000		Nabavka stalnih sredstava	1.300.000,00	2.170,88	0,16
		821300	Nabavka opreme	580.000,00	1.170,88	0,20
		821400	Nabavka ostalih stalnih sredstava	40.000,00	0,00	
		821500	Ulaganja u tuđa stalna sredstva	20.000,00	1.000,00	5,00
		821600	Rekonstrukcija i invest. održa.	660.000,00	0,00	
UKUPNO: I+II				3.800.000,00	2.026.865,34	53,00

Tabela 3. - Pregled planirane i ostvarene potrošnje Posebne naknade u 2014. godini

Iz tabele 3. može se vidjeti odnos ostvarene potrošenje u odnosu na plan korištenja sredstava posebne naknade po kontima u 2014.godini. Od ukupno planiranih 3.800.000,00 KM ostvarena je ukupna potrošnja od 2.026.865,34 KM ili 53,00%.

U 2015. budžetsku godinu prenosi se iznos od 1.748.743,31 KM neutrošenih sredstava posebne naknade za zaštitu i spašavanje a očekuje se tekući priliv u okvirnom iznosu oko 800.000,000 KM (utvrđen na bazi priliva u 2014. godini). Sumarni iznos namjenskih sredstava posebne naknade planiran je u budžetu KUCZ za 2015. godinu u iznosu od 2.500.000,00 KM, čije korišćenje će se utvrditi u Planu korištenja sredstava posebne naknade u 2015. godini a konkretnija potrošnja isplanirati u Planom korištenja sredstava posebne naknade u 2015. godini.

III NEOSTVARENE AKTIVNOSTI

Plan rada za 2014.godinu, Kantonalni štab civilne zaštite nije donio zbog niza događanja početkom godine, kada se donosi Plan rada štaba. Naime nakon februarskih zbivanja i smjene Vlade TK, Kantonalni štab nije mogao raditi iz razloga što su ministri iz saziva smjenjene Vladi bili imenovani u štab i njihovom smjenom štab nije imao kvorum za rad. Odmah nakon imenovanja Ekspertne Vlade imenovan je štab koji je 16. aprila konstituisan a odmah nakon toga došlo je do stanja prirodne nesreće od poplava i klizišta kada je glavna zadatak štaba rukovođenje akcijama zaštite i spašavanja bio prioritet a po prestanku stanja prirodne nesreće već je bilo je bespotrebno raditi plan rada štaba za period do kraja godine.

Imajući u vidu naprijed navedena dešavanja početkom godine koja su bila osim za Tuzlanski kantona specifična i za cijelu Federaciju BiH:

- nije obavljena obuka članova Kantonalnog štaba;
- izostalo je prisustvo članova Kantonalnog štaba kursevima, seminarima, savjetovanjima i simpozijima, koji se održavaju u zemlji i inostranstvu;
- izostalo je prisustvo i učešće članova Kantonalnog štaba na pokaznim vježbama na nivou Federacije BiH;
- nije izvršena probna mobilizacija jednog općinskog štaba civilne zaštite.

Obuka Kantonalnog štaba nije obavljena zbog februarskih demonstracija i smjene Vlade TK te vršenih kadrovskih promjena u Kantonalnom štabu, kao i zbog toga što je dobar dio godine protekao u borbi sa stanjem prirodne nesreće od poplava i klizišta, olujnog nevremena i grada, koje je zahvatilo područje kantona.

Program obuke je pripremljen od strane Kantonalne uprave civilne zaštite, i nadamo se da će biti realiziran nakon konstituisanja štaba u 2015.godini..

U toku godine nije bilo organiziranih kurseva, seminara, savjetovanja i simpozija na koje su pozivani članovi štabova civilne zaštite u Bosni i Hercegovini. Nije bilo poziva za učešće na sličnim skupovima u inostranstvu.

Na nivou Federacije BiH nije bilo organizovanih pokaznih vježbi za članove kantonalnih štabova civilne zaštite.

Nije izvršena ni probna mobilizacija jednog općinskog štaba civilne zaštite, ali je organizirana i izvedena pokazna vježba u organizaciji OSCZ Srebrenik i UG GSS u čijem sufinansiranju je učestvovao i KŠCZ.

IV ZAKLJUČNA RAZMATRANJA

Na osnovu detaljne analize aktivnosti koje su vođene od strane Kantonalnog štaba u 2014. godini, može se zaključiti da je Kantonalni štab u potpunosti ostvario svoju zakonom utvrđenu funkciju u sistemu zaštite i spašavanja Tuzlanskog kantona.

Kantonalni štab je održao 2 redovne i 23 vanredne sjednice u 2014. godini.

Za vrijeme proglašenog stanja prirodne nesreće od poplava i klizišta na području Tuzlanskog kantona u vremenu od 15.05. do 11.11.2014. godine, Kantonalni štab je uspješno rukovodio akcijama zaštite i spašavanja na području TK i dao veliki doprinos u normalizaciji svih životnih aktivnosti u situaciji vanrednog stanja izazvanog djelovanjem poplava i klizišta.

Procjene situacije, odabrane mjere zaštite i spašavanja i snage i sredstva zaštite i spašavanja od strane Kantonalnog štaba i općinskih štabova civilne zaštite, bili su primjer za druga područja u Bosni i Hercegovini.

Ostvarena je izvanredna suradnja sa općinskim štabovima civilne zaštite, Kantonalnom komisijom i općinskim komisijama za procjenu šteta, odnosno Kantonalnom upravom civilne zaštite.

Na osnovu usvojenih Planova korištenja sredstava posebne naknade za zaštitu i spašavanje od prirodnih i drugih nesreća u 2014. godini, broj: 18/01-14-012004/14 od 19.05.2014.godine; 18/01-14-012004-1/14 od 11.08.2014.godine i 18/01-14-012004-2/14 od 17.11.2014.godine, ukupno je u 2014. godini potrošeno **2.026.865,34 KM** sredstava posebna naknade za zaštitu od prirodnih i drugih nesreća. U budžetsku 2015. godinu prenosi se **1.748.743,31 KM** neutrošenih sredstava posebne naknade za zaštitu i spašavanje, koji će zajedno sa očekivanim tekućim prilivom biti planiran i korišten u skladu sa zakonskim odredbama i Planom korištenja sredstava posebne naknade za zaštitu i spašavanje u 2015. godini.

U vremenu kada je obavljao svoju funkciju, kada nije bilo proglašeno stanje prirodne nesreće, Kantonalni štab je svojim aktivnim djelovanjem dao veliki doprinos u realizaciji aktivnosti koje u okviru svoje nadležnosti obavlja Kantonalna uprava civilne zaštite.

KOMANDANT ŠTABA

Samid Šarac